

खबरां

1. प्रधानमंत्री नरेंद्र मोदी होरें पच्छिम बंगाल च कई विकास परियोजनाएं दा उद्घाटन कीता ते दुर्गापुर च राष्ट्र दे निमित्त लाया तां जे खित्ते च बेहतर संपर्क गी बढ़ावा थ्होई सकै।
2. प्रधानमंत्री नरेंद्र मोदी होरें बिहार दे मोतीहारी च कोई 7 ज्हार 200 करोड़ रपे दी लागता दे बक्ख-बक्ख विकास परियोजनाएं दा नीहू पत्थर ते उद्घाटन कीता ते 4 नमी अमृत भारत ट्रेनें गी झंडी दस्सी।
3. The Resistance Front गी वैश्विक आतंकवादी संगठन घोषित करने दे अमरीकी फैसले दी भारत नै कीती सराहना ते इसी महत्वपूर्ण गैँऽ दस्सदे होई आखेआ जे एहू आतंकवाद रोधी मामलें च भारत ते अमरीका बश्कार गहरे सहयोग गी दर्शादा ऐ।
4. उच्च अदालत दे न्याधीश यशवंत वर्मा होरें महाभियोग लाए जाने गी दिती सर्वोच्च अदालत च चुनौती।
5. यूक्रेन च रूस दे संघर्ष गल लेइयै यूरोपीय संघ 18में प्रतिबंध पैकेज पर सहमति होए।
6. ई.डी नै छत्तीसगढ़ दे साबका मुखमंत्री भूपेश बघेल हुंदे पुत्तर चैतन्य बघेल गी केई करोड़ों रपे दे शराब घोटाले दे मामले च गिरफ्तार कीता।

<><><><><><>

PM-West Bengal

प्रधानमंत्री नरेंद्र मोदी होरें अज्ज पच्छिम बंगाल दे दुर्गापुर च 5 ज्हार करोड़ रपे शा मतें दी केई विकास परियोजनाएं दा नीहू पत्थर ते लोकें गी समर्पित कीता। जनसभा गी संबोधित करदे होई प्रधानमंत्री होरें आखेआ जे एहू परियोजना क्षेत्र दे संपर्क च महत्वपूर्ण सुधार करोग ते गैस आधारित परिवहन ते गैस आधारित अर्थ बवस्था गी प्रोत्साहन देडन। उनें पच्छिम बंगाल दे बंकुरा ते पुरुलिया च अज्ज भारत पेट्रोलियम ग्रुप लिमिटेड लेई सिटी गैस वितरण परियोजना दा बी नीहू पत्थर रक्खेआं उनें पुरुलिया च 36 किलोमीटर लम्मी पुरुलिया कोटशिला रेल लाइन दे दोहरकणी गी बी राष्ट्र दे निमित्त लाया। प्रधानमंत्री होर 2 शिड़कां जेडी जे सेतू भारतम कार्यक्रम तैहत Paschim Burduwan च ते Topsi ते Pandabeshwar च निर्मित न, दा उद्घाटन करंगन।

<><><><><><>

PM-Bihar

प्रधानमंत्री नरेंद्र मोदी होंरें अज्ज बिहार दे पूर्वी चंपारण जिले दे मोतिहारी च 7 ज्हार 200 करोड़ रपे शा मती लागता आहली कई विकास परियोजनाएं दा नीहू पत्थर रक्खेआ ते उद्घाटन कीता। एहू विकास परियोजनां रेल, शिड़क ते ग्रामीण विकास, मच्छी पालन, इलेक्ट्रानिक्स ते सूचना प्रौद्योगिकी क्षेत्रें कन्नै सरबन्धित ना। प्रधानमंत्री होंरें इस मौके बोलदे होई आखेआ जे बिहार दा विकास पूर्वी भारत लेई मता जरूरी ऐ। उनें आखेआ जे बिहार दा विकास तेजिया कन्नै होआ'रदा ऐ कीजे दौनें केंद्री ते राज्य सरकार राज्य लेई कम्म करा'रदी ऐ। प्रधानमंत्री होंरें आखेआ जे यूपीए सरकार दे 10 बरें दौरान बिहार गी कोई 2 लक्ख करोड़ रपे थ्होए ना। प्रधानमंत्री होंरें दीनदयाल अंत्योदय योजना-राश्ट्री ग्रामीण आजीविका मिशन तैहत बिहार च कोई 61 ज्हार आप मदादी गुपें लेई 400 करोड़ रपे जारी कीते।



IICT

केंद्री सचूना ते प्रसारण, रेलवे, इलेक्ट्रानिक्स ते आई.टी मंत्री अश्विनी वैष्णव ते महाराश्ट्र दे मुखमंत्री देवेन्द्र फडणवीस होंरें सांझे रूपै नै मुम्बई दे राश्ट्री फिल्म विकास निगम परिसर च भारती रचनात्मक प्रौद्योगिकी संस्थान दे पैहले परिसर दा उद्घाटन कीता। एहू संस्थान वैश्विक रचनात्मक तकनीकी अर्थ बवस्था च भारत दी क्षमता निर्माण दी दिशा च इक महत्वपूर्ण गैँऽ ऐ।



US-TRF

भारत नै पैहलगाम आतंकवादी हमले लेई जुम्मेदार समूह दा रसिस्टेंट फ्रंट गी इक विदेशी आतंकवादी संगठन ते विशेष रूप नै नामित वैश्विक आतंकवादी घोषित करने दे अमरीका दे फैसले दी सराहना कीती ऐ। पाकिस्तान स्थित आतंकवादी संगठन लश्कर-ए-तोयबा दा इक एहू छद्म संगठन जम्मू-कश्मीर दे पहलगाम च होए दे हमले सने कई आतंकवादी गतिविधियें च शामिल रेआ ऐ। विदेश मंत्री डॉ. एस. जयशंकर होंरें इस फैसले लेई अमरीका दे विदेश विभाग ते विदेश मंत्री मार्को रूबियो दी तरीफ कीती। उनें आखेआ जे भारत-अमरीका आतंकवादी रोधी सहयोग दी पुष्टि करदा ऐ। भारत नै आतंकवाद दे खलाफ लड़ाई ते आतंकी ढांचे गी खत्म करने च वैश्विक सहयोग दी जरूरतै पर लगातार जोर दिता।



Justice-Verma

उच्च न्यायालय दे इस्सलै दे न्याधीश, न्याधीश यशवंत वर्मा होरें नकदी बरामदगी मामले च त्रै सदस्यीय आंतरिक समिति आसेआ लाए गे महाभियोग गी सर्वोच्च अदालत च चुनौती दित्ती ऐ। सर्वोच्च अदालत च दायर याचिका च उनें भारत दे तत्कालीन मुख्ख न्यायाधीश संजीव खन्ना आसेआ राष्ट्रपति ते प्रधानमंत्री होरें गी भेजे गेदे ओहू पत्र बी रहू करने दी मंग कीती ऐ जिस च न्यायमूर्ति वर्मा हुंदे खलाफ कार्रवाई दी मंग कीती गई ही। याचिका मताबक आंतरिक समिति नै पूर्व निर्धारित तरीके कन्नै कम्म कीता ते न्यामूर्ति वर्मा होरें गी अपना बचा करने दा उचित मौका नेई दित्ता। संसद दे मानसून सत्र च उन्दे खलाफ महाभियोग प्रस्ताव पेश कीते जाने दी मेद ऐ।



INS-Instar

भारती नौसेना नै अज्ज विशाखापटनम च अपने पैहले स्वदेशी डाइविंग सहायक पोत निस्तार गी तोआरेआ ऐ। इस पोत दा निर्माण विशाखापटनम च हिंदुस्तान शिपयार्ड लिमिटेड नै कीता ऐ। अत्याधुनिक प्रणालियें कन्नै लैस एहू पोत गहरे समुंदर च गोताखोरी ते संकटग्रस्त पनडुबियें लेई बचाऽ अभियान च उपयोगी साबत होग। इस मौके रक्षा राज्यमंत्री संजय सेठ हुंदे कन्नै Admiral Dinesh K. Tripathi, Chief of Naval Staff ते होर वरिष्ठ शख्सियत बी हे।



Kavinder Oath

बीजेपी दे वरिष्ठ नेता कविंदर गुप्ता होरें अज्ज केन्द्र शासित प्रदेश लद्दाख दे नमें लेफ्टिनेंट गवर्नर दे तौर पर सगंध चुक्की लैती। राष्ट्रपति द्रौपदी मुर्मु होरें 4 दिन पैहले उ'नेंगी इस संवैधानिक औहद्वे पर नियुक्त कीता हा। जम्मू-कश्मीर ते लद्दाख हाईकोर्ट दे मुख्ख न्याऽधीश जस्टिस अरूण पल्ली होरें लेहू च लद्दाख राज निवास च लोआए गेदे इक समारोह दरान कविंदर गुप्ता होरें गी औहद्वे दी सगंध चुकाई। एहदे शा पैहले कविंदर गुप्ता होर जंदे रोज लेहू पुजे हे जित्थे लद्दाख दे मुख्ख सचिव पवन कोतवाल ते पुलसा दे डरैक्टर जनरल डाक्टर एस.डी. सिंह जम्वाल हुंदे सने सिविल प्रशासन दे बड्डे ऐहलकारें ते मन्ने-परमन्ने दे शैहदारें उं'दा निग्गा सोआगत कीता।



EV-Russia

युक्रेन च रूस दे संघर्ष गी लेइयै यूरोपीय संघ बैंकिंग, उर्जा ते सैन्य औद्योगिक क्षेत्रें पर लक्षित 18में प्रतिबंध पैकेज पर सहमति ना। इस प्रतिबंध पैकेज च रूस दे तेल ते उर्जा उद्योग गी होर मता नुकसान पुज्जने दे मकसद कन्नै इक नमे गतिशील तेल मूल्य सीमा बी शामिल ऐ। यूरोपीय आयोग दी अध्यक्ष Ursula Vonderleyen होरें दावा कीता ऐ जे इस प्रतिबंध कन्नै रूस दी युद्ध मशीन गी क्षति पुज्जोग। एह प्रतिबंध जारी संघर्ष दे अखीर तोड़ी लागू रौहग। प्रतिबंध पैकेज कन्नै रूस दी नाड स्ट्रीम गैस पाइपलाइनें राएं गैस दी सप्लाई बी प्रभावित होग। यूरोपीय संघ दे इस फैसले थमां रूस दा वित्तीय क्षेत्र बी प्रभावित होग।



ED-Baghel

ई.डी दी टीम नै छत्तीसगढ़ दे साबका मुख्मन्त्री भूपेश बघेल दे मिलाई स्थित आवास पर छापेमारी कीती ऐ। अज्ज बड्डुलै निदेशालय दे अधिकारी बघेल हुंदे मिलाई स्थित आवास पर पुज्जे। प्रवर्तन निदेशालय नै भूपेश बघेल हुंदे पुत्तर चैतन्य बघेल गी हिरासत च लेई लैता। एहदे बाद उंदी टीम चैतन्य बघेल गी लेइयै रायपुर लेई रवाना होई गेई। होर ब्यौरे बी बलगेआ जा करदा ऐ।



SMVDSB

श्री माता वैष्णो देवी श्राइन बोर्ड नै माता वैष्णो देवी जी दी गुफा आहले इलाके दा कुदरती संतुलन बरकरार रक्खने दे मकसद कन्नै त्रिकुटा दिएं प्हाड़िं च 17 लक्ख शा मते नमें बूहटे लाए ना। इस कम्मै लेई श्राइन बोर्ड नै ड्रोन तकनीक दा इस्तेमाल करदे होई त्रिकुटा प्हाड़िं पर बक्ख-बक्ख थाहें पर बीएं गी खलारेआ ऐ। आकाशवाणी दे जम्मू संवाददाता दी रिपोर्ट मूजब, श्राइन बोर्ड नै पर्यावरण दी सांभ-संभाल जकीनी बनाने लेई एहू गैहू पुट्टी ऐ ते एहदे च केई सारे संगठनें उंदा सैह्योग कीता ऐ। श्री माता वैष्णो देवी श्राइन बोर्ड दे मुख्म कार्जकारी अधिकारी अन्शुल गर्ग होरें आखेआ ऐ जे एहू पैहलकदमी, पर्यावरण संरक्षण दे कम्मै च समुदायें दी भागीदारी ते संस्थागत सांझ-भ्याली गी दर्शादी ऐ।



FLS Katra

रेल मंत्रालय आसेआ जम्मू ते श्री माता वैष्णो देवी कटरा बश्कार इक नमीं रेल लाईन लेई थाह दी शिनाख्त गितै मुक्कदे सर्वेक्षण गी अधिकारिक तौर पर मंजूरी दित्ते जाने पर मुकामी बसनीके, कारोबारिएं ते श्रद्धालुएं इस गैहू दी सराहना करदे होई आखेआ ऐ जे एहदे कन्नै खित्ते दी अर्थबवस्था, सैलसफा ते जम्मू-कश्मीर दे पूरे-पराते विकास गी बड़ा मता बढावा थ्हेग। तजवीज़ कीती गेदी एहू रेलवे लाईन, तकरीबन 77 इशारिया 9-6 किलोमीटर लम्मी होग ते एहदे पर अंदाजन कोई 12 करोड़ 59 लख रुपें दी लागत औग।



CS - IIM

मुख सचिव अटल डुल्लु होरें आखेआ ऐ जे जेहडे लोक, अज्ज सख्त मेहनत करदे न, उंदा गै भविकख उज्जवल बनदा ऐ। एहू गल्ल उंनें आई.आई.एम. जम्मू दे समग्र सिखलाई कार्यक्रम दरान प्रतिभाशाली विद्यार्थिएं गी संबोधित करदे होई आखी। अपने संबोधन च मुख सचिव होरें उत्कृष्टता, प्रेरणा ते सकारात्मक बदलाव दे प्रतीक दे तौर उप्पर आई.आई.एम. जम्मू दी भूमिका पर लोऽ पाई। जंदी 14 जुलाई गी आई.आई.एम. दे जगटी आहले कैपस च 5एं दिनें दे कार्यक्रम दी शुरुआत होई ही। इस दरान माहिरें-विशेषज्ञें दी गल्लबात, सांस्कृतिक संध्या ते इयै ज्जेय होरनें कार्यक्रमें दा आयोजन करोआया गेआ जिंदा मकसद विद्यार्थिएं गी उंदी शैक्षणिक जात्तरा लेई तैयार करना हा।



Chess

शतरंज च भारती ग्रैंडमास्टर अर्जुन एरिगेसी फ्री स्टाइल ग्रैंड स्लैम प्रतियोगिता च सेमीफाइनल च थाहर बनाने आहले पैहले खडारी बनी गे न। अमरीका दे लास वेगस च 21 बरें दे एरिगेसी नै क्वार्टरफाइनल दे अब्दुसतोरोव नोदिरबेक गी हराया। इस जित्त कन्नै अर्जुन होर चैंपियनशिप टाइटल दे होर नजदीक आई गे न।



IMD-Weather

भारती मौसम विभाग नै अज्ज राजस्थान ते दक्खन अंदरूनी कर्नाटक च मती गै भारी बरखा दी पेशनगोई कीती ऐ। मौसम एजेंसी नै अज्ज तटीय कर्नाटक, केरल, महे, तमिलनाडू, पुदुचेरी, कराइकल, पच्छिम मध्य प्रदेश ते पच्छिम उत्तर प्रदेश च मती थमां मती भारी बरखें दी मेद दस्सी ऐ।

